



## **OPĆINSKO VIJEĆE**

**Broj:**

**Datum: 25.03.2019. godine**

### ***Informacija sa 18. redovne sjednice Općinskog vijeća Općine Foča***

***U petak, 22.03.2019 godine, Općinsko vijeće Općine Foča održalo je 18. redovnu sjednicu, a na istoj su razmatrane slijedeće tačke dnevnog reda:***

1. Razmatranje i usvajanje zapisnika sa 17. redovne sjednice Općinskog vijeća
2. Vijećnička pitanja i inicijative
3. Prijedlog Budžeta općine Foča za 2019. godinu
4. Prijedlog Odluke o izvršavanju Budžeta Općine Foča za 2019. godinu
5. Program rada Općinskog vijeća Općine Foča za 2019. godinu
6. Prijedlog Odluke o agrotehničkim mjerama zaštite i korištenja poljoprivrednog zemljišta na području Općine Foča
7. Izvještaj o izvršenom redovnom godišnjem popisu u Općini Foča za 2018. godinu

Općinsko vijeće Općine Foča na 18. redovnoj sjednici, usvojilo je zapisnik sa 17. redovne sjednice Općinskog vijeća.

Budžet Općine Foča za 2019. godinu., usvojen je u iznosu od 1.791.500 KM i u skladu je sa pozitivnim mišljenjem Ministarstva za finansije Bosansko - podrinjskog kantona Goražde.

U okviru tačke Budžet Općine Foča za 2019. godinu usvojena su i slijedeća dva *Zaključka*:

*Općinsko vijeće Općine Foča će zakazati Tematsku sjednicu, nakon formiranja izvršne vlasti Bosansko - podrinjskog kantona, u prostorijama Skupštinske sale, a na koju će se pozvati predstavnici zakonodavne i izvršne vlasti Bosansko - podrinjskog kantona Goražde na temu: Finansiranje Općine Foča iz Budžeta Bosansko - podrinjskog kantona.*

*Općinsko vijeće Općine Foča upućuje Skupštini i Vladi Bosansko - podrinjskog kantona Goražde, prijedlog za izmjenu Zakona o pripadnosti javnih prihoda da se po istom očituje i zajedno sa Općinom Foča i Pale upute Vladi Federacije Bosne i Hercegovine zahtjev za njegovo usvajanje.*

Općinsko vijeće Općine Foča takođe je usvojilo i Odluku o izvršavanju budžeta Općine Foča za 2019. godinu.

Nakon razmatranja i diskusije vijećnika, usvojen je i Program rada Općinskog vijeća Općine Foča za 2019. godinu

U nastavku sjednice vijećnici su razmatrali i Prijedlog Odluke o agrotehničkim mjerama zaštite i korištenja poljoprivrednog zemljišta na području Općine Foča. Nakon obrazloženja, uslijedila je konstruktivna rasprava vijećnika, a zatim je ista usvojena.

Posljednja tačka dnevnog reda bila je - Izvještaj o izvršenom redovnom godišnjem popisu u Općini Foča za 2018. godinu., koja je takođe jednoglasno usvojena.